

KOMMUNIKAMMA



TEKS vir die WEEK:

“God is my redder. Ek vertrou op Hom, ek is nie meer bang nie. Die Here is my God en my krag en my beskerming; Hy is my redder.”(Jes 12:2)

SAKE vir GEBED:

- *Bid vir Wynne du Plessis wat in die hospitaal is.
- *Peet Viljoen sterk aan in Aurora. Ons bid dat hy spoedig sy kragte sal herwin.
- *Bid asseblief vir al ons gemeentelede wat tuis versorg word en ook hul familielede.
- *Ons bid dat die gemeentelede wat die 7 Weke Reeks boekie gebruik, daarby sal baat, geestelik sal groei en dit prakties sal toepas.
- *Pleit by God dat Hy sal intree en die korrupsie, geweld, bendegegeweld, brande, verwoesting, plundering en moorde dwarsdeur ons land, sal stuit en dat Sy liefde, wat alle verstand te bowe gaan sal seëvier.
- *Ons raak opgewonde om die voltooiing van die veranderinge in ons kerk binnekort te kan geniet. Ons glo dat die Here dit sal seën.
- *Ons dra elke dame wat die uitreik na Egipte gaan meemaak aan die Here op en vra dat God se seën op hulle sal rus en dat al die logistieke in plek sal val.
- *Bid asseblief dringend dat God in Sy groot genade, UITKOMS sal gee om hierdie knellende droogte in ons pragtige land tot ‘n einde te bring.
- * Dank die Here vir die Afrikaanse Bybel wat 86 jaar oud is. Ons gemeente het verlede jaar die Bybelgenootskap met R83 629.35 ondersteun.
- * Bid vir die 10 gemeentes in die ring van Algoa wat van volgende Sondag- tot Woensdagaand by Grasvoëlkop gemeente ringsitting hou.
- * Matrieks wat eksamen skryf.

Hierdie week se Gebedsversoek is vir Indonesië:

** Bid saam dat God ‘n ongelooflike werk sal doen in Indonesië- tuiste van ‘n groot groep ongereddes - en sodoende meer mense bereik met die Evangelie.*

SONDAG 25 AUGUSTUS 2019

08:30 Eietydse diens in saal

09:45 Kategese

10:00 Klassieke diens in saal

Deurdankoffer vir Christelike lektuurfonds

Teebeurt vandag: Papawer sel

Teebeurt vlg week: Vergeet my nie sel

MAANDAG 26 AUGUSTUS

12:45 Gebedskild in gebedskamer.

DINSDAG 27 AUGUSTUS

19:00 Leef@kerk.

VRYDAG 30 AUGUSTUS MANNEBYEENKOMS

05:00 Mannebyeenkoms by Elandré Bosch, Lilylaan 68.

KOSVERKOPING VRYDAG 30 AUGUSTUS

Hamburgers (R25) en “cheesegriller” rolle (R20) gaan te koop wees ten bate van die boufonds. Dit kan vanaf 17:30 in die voorportaal van die saal afgehaal word. Daar gaan Sondag ‘n lys beskikbaar wees om bestellings te neem.

MERRYVALE MARKDAG

Die markdag is op Saterdag 31 Augustus vanaf 09:00. Almal is baie welkom.

ACVV HUIS GENOT BASAAR

Huis Genot tehuis vir ouer persone hou basaar op 31 Augustus om 09:00 by Dykeweg 34, Algoapark. Kom geniet die oggend saam met die inwoners en die Silwer Snare boereorkes.

KOM DIEN DIE HERE MET JOU GAWES

Ons het mense nodig as kerkraadslede en om te kom help by die diensterreine. Kontak enige dominee indien die Here jou lei om te kom dien met jou gawes.

KERKRAADSLEDE HERKIES

Ouderlinge: Gert Harmse, James von Wielligh.
Diakens: Hennie Bakkes, Dossie Nortje en Juanita van Rooyen., Johan van der Mewe.

NOODSPENS

Ons gemeente se noodspens is dolleeg en daar is ‘n groot behoefte aan nie-bederfbare produkte. Baie dankie aan almal wat bydra.

ALGOA GEMEENSKAPSKERK BYBELPROJEK

Algoa Gemeenskapskerk het ‘n Bybelprojek waar hulle tweedehandse Bybels aan minderbevoorregte mense, kinders by Laerskool Piet Retief en aan die jeug van die gemeente wil uitdeel.

Indien jy Bybels in jou huis het wat jy nie gebruik nie, of 'n donasie wil maak, kan jy dit by die kerkkantoor inhandig.

NUWE LIDMATE

Baie welkom by ons. Vul asb die groen vorm in die voorportaal in en plaas dit in die klein houtkissie by die vorms in die voorportaal. U kan ook die **vorm vir nuwe intrekkers** aflaai en dan voltooi. Ons sal u so gou moontlik kontak.

Teken gerus in op ons e-nuusbrief by:

kuberkamma@ngkraggakamma.co.za

Nog inligting oor ons gemeente is beskikbaar op ons webwerf: www.ngkraggakamma.co.za.

ASEMSKEP HUWELIKSVERRYKINGSNAWEEK

Die Kamp vir egpare vind plaas op 4-6 Oktober by Eersterivier.

Ds Jan Coetzee en sy vrou, Elbi, wat by Sionsrand gemeente was, gaan die naweek lei.

Kontak Sonja (084 703 2992) of Roenel (083 388 5357) per sms of watts app indien julle wil deel wees van hierdie kamp. Indien jy wil help met die reëlings, kontak vir Sonja.

Verblyf: Eie verblyf. Daar is plek in die sentrum vir 7 pare, asook vir 4 tente/karavane op die gronde teen R85 per persoon per nag. Daar is ook verskeie huise beskikbaar wat julle kan huur vir die naweek. Kry 'n paar vriende saam en deel 'n huis.

Kamp koste: R200 met bespreking van julle as paar en R200 teen 25 September 2019.

Gee asb 'n e-pos adres wanneer jul plek bespreek.

KERSMARK 8 – 9 NOVEMBER

Kraggakamma gemeente bied hierdie jaar 'n kersmark aan. Indien jy 'n stalletjie wil hê by die mark, kontak Niekie of die kerkkantoor vir inligting.

Ons is ook op soek na lidmate wat sal help bak, kosmaak en verkoop tydens die kersmark.

Kontak die kerkkantoor indien jy wil help.

NG KERK PATMOS BIED AAN: "Donkie" met Frank Opperman

Jy gaan lag dat jy lê!

Datum: Vrydag 30 Augustus 2019

Tyd: 18:30 vir 19:00

Plek: Goldfields Ouditorium, Noordkampus, NMU.

Kaartjies: Kaartjies kos R120.00 per persoon en is by Westway kafee (www.westway.co.za) of Elizna (083 258 9860) of Leana (083 567 3133) beskikbaar

CHRISTELIKE MAATSKAPLIKE RAAD

Die CMR vier hierdie jaar 75 jaar van genade. Saam met hulle dank ons die Here.

Die CMR is 'n maatskaplike hulp en ondersteuningsorganisasie wat deur die NG Kerk gestig is. Hulle omskryf hulle roeping met die drie

letters van die CMR soos volg: "Caring, Mentoring and Restoring." Die gemeente het verlede jaar die CMR met R23 400 ondersteun. Indien jy op enige manier by die CMR wil betrokke raak of hulle wil ondersteun kan jy hulle kontak by 041-4843554, cmr-pe@webafrica.org.za of hulle besoek by Mount Road 16.

Hulle jaarverslag is ter insae in die kerkkantoor beskikbaar.

GEOUDITEERDE STATE

Die gemeente se state vir die vorige boekjaar is op die kerkraadsvergadering goedgekeur. Die state toon 'n gesonde surplus. Ons dank die Here en elkeen van sy kinders wat Hom uit dankbaarheid, ook met hulle finansies, dien. Ons doen 'n beroep op elkeen om steeds die Here te dien met die eerste deel van die gawes waarmee Hy ons seën. Ons is nie in die besigheid van wins maak nie. Hoe groter ons inkomste, hoe groter verskil kan ons in die wêreld maak.

Die state is ter insae in die kerkkantoor beskikbaar.

LOUISA MEYBURGH TEHUIS BASAAR

Die Tehuis hou basaar op **7 September 2019** om 09:00 by Assenburgstraat, Kabegapark. Kom ondersteun asb die Tehuis wat die fondse so nodig het. Enige bydraes of hulp is baie welkom. **Ons kerk is verantwoordelik vir hulp by die pannekoek en naaldwerk tafels.**

Kontakpersone is Marlene Postma (0413605243) of Ansie Vorster (041-3794169).

Die Tehuis benodig ook op n gereelde basis toiletware soos seep, skeermesse, pleisters, babapoeiers, ens. Enige bydraes kan by kerkkantoor ingehandig word.

MTR SMIT'S GOT TALENT COMPETITION

MTR Smit nooi almal uit na hul jaarlikse talent kompetisie op **13 September** om 17:45 vir 18:00 by MTR Smit se saal.

RSVP voor 11 September @ hester@mtrsmits.co.za.

**There4-Bedieninge nooi jou vriendelik na hul kantoor te Kraggakammaweg 57, Framesby om Maandae tot Donderdae vanaf 10 tot 3nm te kom help met finale items wat voorberei moet word vir hulle Bedieningsreis na Egipte.
Meld sommer net aan – ons wag vir jou !**



Gebruik SnapScan en betaal jou:
Dankoffer
Maandelikse Bydrae
Donasie, ens..